

Sjöunda ársþing KÖRFUKNATTLEIKSSAMBAND ÍSLANDS var haldið sunnudaginn 26. nóv. 1967, í húsakynnum Tjarnarbúðar í Reykjavík. Hófst þingið kl. 14.00.

Þetta gerðist:

Þingsetning.

Formaður KKÍ setti þingið með nokkrum ávarpsorðum. Bauð hann þingfulltrúa, 24 talsins, velkomna til þinghalds og sagði, að það væri ekki oft, sem körfuknattleiksmenn sprengdu utan af sér húsnæði það, sem þeir hefðu til starfsemi sinnar, en svo væri vissulega nú, þar sem fundarsókn mun aldrei hafa verið jafn góð. Sagði formaður, að undanfarið hefðu verið nokkur blaðaskrif um dræna aðsókn að körfuknattleiksleikjum, en kvaðst fullviss um, að ef þeirri prentsvertu, sem í þau blaðaskrif hefði verið varið, hefði verið eytt í að skrifa um leiki í körfuknattleiksmótum jafnframt því að getið væri um leiki, sem framundan væru, hefði aðsóknin að leikjunum orðið betri. Þá sagði formaður jafnframt, að á reikningum KKÍ fyrir síðasta starfsár kæmi fram, að mikið tap hefði verið á síðasta starfsári, en þar kæmi einnig það gleðilega fram, að með tilkomu íþróttahallarinnar í Laugardalnum, hefði aðsókn að körfuknattleik vaxið, það sýndi sig í því, að aldrei hefði komið inn jafnmiklar fjárhæðir fyrir aðgöngumiða. Þá hvatti formaður alla þingfulltrúa svo og alla velunnara körfuknattleiksins til að standa traustan vörð um körfuknattleiksíþróttina, og standa einhuga og samstilltir að því að auka útbreiðslu hennar og áhuga fyrir henni.

Í lok ræðu sinnar kvaðst formaður vilja minnast tveggja velunnara körfuknattleiksins, sem látizt hefðu frá því að síðasta ársþing var haldið, þ.e. þeirra Benedikts Jakobssonar, íþróttakennara og Finns Finnssonar, flugmanns. Báðir hefðu þeir verið einlægir stuðningsmenn körfuknattleiksíþróttarinnar, Benedikt m.a. verið í fyrstu stjórn KKÍ, og Finnur áhugasamur leikmaður, jafnframt því að hann hefði verið einn fremsti dómari okkar. Bað hann þingheim að heiðra minnigu þessara tveggja látnu manna með því að rísa úr sætum, og var það gert.

Kosning starfsmanna þingsins.

Að tillögu formanns KKÍ var Gunnar Torfason, form. KKRR einróna kjörinn þingforseti, og tók hann við stjórn þingsins. Þingritarar voru kjörnir þeir Magnús Björnsson og Agnar Friðriksson.

Kosning fastanefnda þingsins.

Kjörbrófanefnd:

Þráinn Scheving, form.
Ingi Gunnarsson,
Helgi Sigurðsson.

Fjárhagsnefnd:

Gunnar Petersen, form.
Magnús Sigurðsson,
Guðmundur Árnason.

Laga- og leikreglunefnd:

Gunnar Gunnarsson, form.,
Sigurður E. Gíslason,
Kristbjörn Albertsson.

Kosningu allsherjarnefndar var frestað, þar til séð yrði, hvort einhverjum málum, sem upp kynnu að koma á þinginu, yrði vísað til þeirrar nefndar.

Skýrsla fráfarandi stjórnar:

Formaður KKÍ, Bogi Þorsteinsson, flutti skýrslu fráfarandi stjórnar. Var henni útbýtt fjölritaðri á þinginu og vísast til hennar.

Að loknum flutningi skýrslunnar kvaðst formaður vilja geta nokkurra atriða, sem þar hefðu ekki komið fram.

Tvær gjafir til KKÍ hefðu borizt á árinu. Fararstjórn danska landsliðsins hefði afhent stjórn KKÍ að gjöf fallega myndabók frá Danmörku, og hefði gjöf þessi verið gefin í tilefni heimsóknar danska landsliðsins hingað á sl. vori.

Þá hefði Mr. Zinkoff, einn af forráðamönnum hins heinspekta ameríska atvinnumannakörfuknattleiksliðs Philadelphia 76 'ers komið að máli við formann KKÍ á sl. vori og afhent sem gjöf frá félaginu Wilson Körfubolta, áritaðan af öllum liðsmönnum hins heinsfræga liðs.

Þá sagði Bogi Þorsteinsson, að því miður gæti ekki orðið af fyrirhugaðri keppnisferð Íslenzka úrvalsliðsins til Bandaríkjana, en ferð þessi hefði verið fyrirhuguð um næstu áramót. Innbyrðis deilur amerískra sérsambanda um það, hvaða aðili innan Bandaríkjana ætti að annast móttöku erlendra keppnisflokka og jafnframt annast val á bandarískum keppnisflokkum til keppni utan Bandaríkjana, hefðu valdið þessum leiða atburði, sem af skiljanlegum ástæðum væri KKÍ lagerlega óviðkomandi. Kvað Bogi þotta vera mjög leit, þar sem Bandaríkjamenn bæru höfuð og herðar yfir aðrar þjóðir á sviði körfuknattleiksins og keppnisferð úrvalsflokks Íslenzks þangað á ekki minna en 3 - 4ra ára fresti væri undirstaða þess, að leikurinn tæki eðlilegum framförum.

People to People samtökin hefðu þá boðist til að taka á móti Íslenzku úrvalslíði til keppni, en skilyrði fyrir þeirri ferð, sem sett hefðu verið, algerlega óaðgengileg. Þá hefðu sömu samtök boðist til að skipuleggja ferð Íslenzks úrvalsliðs til USA á næsta ári og það væri eitt af mikilvægustu málum, sem taka þyrfti afstöðu til hjá hinni nýju stjórn, sem kosin yrði á þessu þingi.

Þá véc formaður að væntalegri Norðurlandameistararamóti í körfuknattleik, POLAR CUP, sem haldin yrði hér í Reykjavík á næsta ári. Kvað formaður undirbúning keppinnar og skipulagningu hennar mikið og erfitt verk, ef Íslendingar eiga ekki að verða eftirbátar hinna Norðurlandabjóðanna, en skipulagning fyrri POLAR CUP-keppna hefði verið til nikilla fyrirmyndar.

Skoraði hann á hvorn einstakan velunnara körfuknattleiksins að liggja ekki á liðveizlu sinni við undirbúning og framkvæmd koppninnar hér.

Að lokum minntist formaður enn nokkrum orðum á aðsólm að körfuknattleik. Iðkendum íþróttarinnar hefði stöðugt farið fjölgandi en það væri ekki nægilegt, ef vegna fjárhagsörðuleika, reyndist ekki unnt að halda nauðsynleg mót í mannsemanandi húsakynnum.

Álit kjörbréfanefndar:

Kjörbréfanefnd hafði setið á rökstólum og skilaði álitinu sínu. Hafði Þráinn Scheving orð fyrir nefndinni. Kvað hann nefndina leggja til að kjörbréf eftirtalinnna fulltrúa yrðu samþykkt:

Frá Íþróttabandalagi Suðurnesja:

Kristbjörn Albertsson og Ingi Gunnarsson.

Frá UMSB:

Rúnar Ragnarsson og Ásmundur Ólafsson.

Frá UMSK:

Bertram Möller

Frá HSK:

Bjarni Einarsson, Magnús H. Sigurðsson, Ólafur Haraldsson og Bir ír Þorkelsson.

Frá KKRR:

Gunnar Torfason, Sigurður E. Gíslason, Guðmundur Árnason, Kristinn Stefánsson, Gunnar Gunnarsson, Helgi Ágústsson, Signar Karlsson og Þorlákur Helgason.

Skýrsla gjaldkera:

Gunnar Petersen, gjaldkeri KKÍ, las reikninga sambandsins og skýrði jafnframt einstaka liði þeirra. Var reikningun útbýtt fjölrituðum á þinginu og vísast til þeirra. Reikningarnir voru endurskoðaðir af endurskoðendum sambandsins, þeim Þóri Guðmundssyni og Helga V. Jónssyni.

Unræður um reikningana og skýrslu fráfarandi stjórnar:

Magnús Björnsson óskaði að í fundargerð þessa fundar yrði þess getið, að Bogi Þorsteinsson, fornaður KKÍ hefði verið fyrstur til að verða þess heiðurs aðnjótandi, að vera sændur gullmerki KKÍ. Hefði það verið gert á 5 ára afmæli KKÍ. Sagði Magnús að þess atburðar hefði ekki verið getið í skýrslu þeirri, sem lögð hefði verið fyrir sjötta ársþingið í fyrra. Þá bar Magnús og fram fyrirspurn, varðandi fræðsluritið "KÖRFUKNATTLEIKUR I".

Helgi Sigurðsson svaraði fyrirspurn Magnúsar um fræðsluritið. Sagði hann útbreiðslunefnd vera nokkuð vonsvilma, vegna dræmra undirtekta aðildarfélaganna um þetta rit, þar sem það hefði sýnt sig, að sögn þeirra sem það hefðu reynt, að það kæni að miklum notum við kennslu og þjálfun körfuknattleiks, bæði hjá byrjendum svo og þeim sem lengra væru komnir í íþróttinni. Skoraði hann á þingfulltrúa að benda viðkomandi aðildarfélagum á gagnsemi og not þessa bæklinga.

Helgi Ágústsson beinti þeirri fyrirspurn til gjaldkera, hvaða horfur væru um innheintu tveggja stærstu liðanna á liðnum "útistandandi skuldir" á Efnahagsreikningi KKÍ.

Gunnar Petersen svaraði því til, að skuld Einars Matthíassonar upp á kr. 12.070,90, væri tilkomin vegna auglýsinga í leikskrá, fyrir landsleikinn við Dani og væru þessir peningar undir höndum Einars og ætti ekki að vera mikil fyrirhöfn að innheinta þá. Skuld Helga Jóhannssonar væri aftur á móti tilkomin vegna þess, að KKÍ hefði rift starfssamning við Helga Jóhannsson, vegna þess, að hann hefði ekki staðið við atriði hans, en Helgi hefði fengið fyrirfrangreiðslu upp í væntanlegt starf hans. Helgi hefði fallizt á að greiða þessar kr. 30.000.- í vor.

Unræður um reikninga urðu ekki neiri og þeir síðan sanþykktir samhljóða.

Tillögur:

Eftirtalðar tillögur voru lagðar fyrir þingið:

Frá stjórn KKÍ hafði borizt eftirfarandi tillaga:

"7. ársþing KKÍ samþykkir, að þátttökugjöld í Íslandsmóti 1968 verði hin sömu og á síðasta móti, eða sem hér segir:

Meistarafll. karla		kr. 1.000.-
Meistarafll. kvenna)	
I. og II. fl. karla)	kr. 250.-
III. og IV.fl. karla)	
II. fl. kvenna)	kr. 100.-

Gjöldin greiðist í upphafi mótsins".

Eftirfarandi tillaga um breytingu á reglugerð um bikarkeppni KKÍ:

"Undirritaðir gera það að tillögu sinni, að stjórn KKÍ breyti reglugerð um bikarkeppni KKÍ á þá leið, að meistaraflokksliðum I. deildar verði framvegis heimiluð þátttaka.

Helgi Ágústsson,
Kristinn Stefánsson,
Gunnar Gunnarsson".

Þá kom fram tillaga frá fulltrúum ÍSB, varðandi það, hvar leikir I. deildar liðs ÍKF á næsta Íslandsmeistaramóti, færu fram. Er tillagan á þessa leið:

"Við undirritaðir fulltrúar mælum hér með, að væntanleg stjórn KKÍ leyti eftir samþykki eða leyfi Varnarmála-deildar á því, að hluti Íslandsmótsins fari einnig fram á Keflavíkurflugvelli.

Ingi Gunnarsson,
Kristbjörn Albertsson."

Þingforseti lagði nú til, að tillögu um þátttökugjaldið yrði vísað til fjárhagsnefndar, en hinum tveimur til laga- og leikreglunefndar. Var það samþykkt samhljóða.

Álit nefnda:

Gunnar Petersen hafði framsögu fyrir fjárhagsnefnd. Hafði nefndin í þinghléi unnið að gerð fjárhagsáætlunar fyrir næsta starfsár.

Fjárhagsnefnd lagði til að tillaga stjórnar um þáttökugjöldin yrði samþykkt samhljóða. Tillaga fjárhagsnefndar um fjárhagsáætlunina svo og um þáttökugjöldin voru síðan samþykktar.

Formaður laga- og leikreglunefndar kvað nefndina ekki hafa getað tekið afstöðu til þeirra tveggja tillagna, sem til nefndarinnar hefði verið vísað sakir tímaskorts. Bogi Þorsteinsson kvað hér vera um mál að ræða, er þyrfti nikilla athugunar við, og því réttast að vísa þeim báðum til vantanlegrar stjórnar. Tillagan um breytingu á reglugerð um Bikarkeppni KKÍ væri svo veigamikil, að hann taldi það eðlilögast að stjórn KKÍ leitaði álits aðildarféлага KKÍ um hana. Samþykkti þingið samhljóða þá tillögu Boga, að vísa tillögunum báðum til stjórnar KKÍ.

Önnur mál:

Bogi Þorsteinsson vakti athygli þingfulltrúa á þeim vandkvæðum, sem oft hefðu skapast vegna þess, að lið þau, sem leika öttu saman léku í líkum búningum. Kvast hann vilja hreyfa því máli, að hvert félag ætti tvo búninga, annan hvítan en hinn dökkan, og léki það lið, sem léki á heima-velli í ljósum búningi, en aðkomuliðið í þeim dökka. Hann kvað of snemma að ákveða nokkuð í þessu sambandi, og því bæri hann ekki fram tillögu.

Fleira var ekki rétt undir þessum dagskrárlíð.

Kosningar:

Kjósa átti einn mann sem aðalmannt í körfuknattleiksdómstól og annan til vara. Í stað Guðjóns Magnússonar sem aðalmanns var kjörinn Gunnar Gunnarsson, og til vara var kjörinn Tómas Zoöga.

Því næst var gengið til kosningar stjórnar KKÍ fyrir næsta starfsár. Ein uppástunga kom fram um næsta formann, með nafninu Bogi Þorsteinsson og var hann einróna kosinn með miklu og langvarandi lófataki.

Aðrir í stjórn með honum voru kjörnir:

Magnús Björnsson, Gunnar Petersen, Helgi Sigurðsson, Fráinn Scheving, Magnús Sigurðsson (læknir), og Jón Eysteinnsson.

Upplýsti þingforseti í þessu sambandi, að þeir Hallgrímur Gunnarsson og Agnar Friðriksson, sem báðir hefðu setið í síðustu stjórn hefðu ekki gefið kost á sér til endurkjörs sakir anna.

Í varastjórn voru kjörnir:

Sigurður E. Gíslason, Ásgeir Guðmundsson og Helgi V. Jónsson.

Endurskoðendur voru kjörnir:

Gunnar Torfason og Þórir Guðmundsson en til vara Helgi Ágústsson.

Kosningu fulltrúa á næsta íþróttabing var vísað til stjórnar.

Að loknum kosningum tók þingforseti til máls. Árnaði hann hinni nýkjörnu stjórn allra heilla og kvað menn mega búast við jafn þróttmiklu starfi frá þessari stjórn og þeirri fyrri.

Bogi Þorsteinsson tók til máls. Þakkaði hann önn traust það sem honum hefði verið sýnt með því að kjósa hann önn einu sinni sem formann KKÍ. Hann kvaðst gera sér grein fyrir því, að vegna þess að hann væri ekki búsettur í höfuðborginni, þar sem þungi stjórnarstarfanna væri, hefði hann ekki rétt starf sitt sem skyldi. Hann hefði gjarna viljað draga sig í hlé, en stjórnarmenn hefðu lagt að sér að gefa kost á sér til endurkjörs.

Magnús Björnsson tók til máls og þakkaði Boga frábor störf í þágu körfuknattleiksins fyrr og síðar, um leið og hann óskaði Boga til hamingju með endurkjörið.

Að lokum tók Gunnar Torfason, þingforseti til máls, þakkaði Boga Þprsteinssyni fyrir hönd KKRR gott samstarf á liönnum árum. Jafnframt kvaðst Gunnar vonast til, að samstarfið yrði jafngott í framtíðinni. Að lokum þakkaði þingforseti fulltrúum þingsetu, óskaði utanþéjarmönnum góðrar heimferðar og sleit 7. ársþingi KKRR, kl. 17:00.

Agnar Friðriksson (sign)

Magnús Björnsson (sign)